

- Quae tamen aut nunquam ostendet se sive coacte.  
 Nam propter carum, fateor tibi, domne, nepotem  
 Promissam fidei normam corrumpere nolle.  
 Ecce in non dubium pro te, rex, ibo periculum,  
 1115 Ast hinc me penitus conflictu cedere noris.  
 Secedamus, eique locum praestemus eundi;  
 Et positi in speculis tondamus prata cavallis,  
 Donec jam castrum securus deserat artum,  
 Nos abiisse ratus; campos ubi calcet apertos,  
 1120 Insurgamus, et attonitum post terga sequamur:  
 Sic aliquid virtutis opus temptare valemus.  
 Haec mihi in ambiguis spes est certissima rebus.  
 Tum bellare potes, belli, rex, si tibi mens est,  
 Quippe fugam nobis nunquam dabit ille duobus;  
 1125 At nos aut fugere, aut acrum bellare necesse est?  
 Laudat consilium satrapa et complectitur illum,  
 Oscilloque virum demulcet. Et ecce recedunt,  
 Insidiisque locum circumspexere sat aptum,  
 Dimissisque ligant animalia gramine laeto.  
 1130 Interea occidua vergebatur Phoebus in oras  
 Ultima per notam signans vestigia Thilen,  
 Et cum Scotigenis post terga reliquit Hiberos.  
 Hic postquam oceanas sensim calefecerat undas,  
 Hespera et ausoniis obvertit cornua terris,  
 1135 Tum secum sapiens coepit tractare satelles,  
 Utrum subtuto per vasta silentia castro  
 Sisteret, an vastis heremi committeret arvis.  
 Aestuat immensis curarum fluctibus, et quid

---

1111 quam C. nusquam B. ostendere I. 1112 proprium C.  
 1115 hic A. I. conflictum C. I. credere I. 1119 ui campos A.  
 campos vi C. 1123 pugnare B. tibi si rex B. 1125 acrum A.  
 B. E. atrum C. 1129 demissisque I. 1131 tylen B. 1132  
 quae cum C. 1133 hi A. 1134 hesperos ausonidis B. Ausonidis  
 ob... cornua I. 1136 densa B. I. 1137 committere B.